

MARKAÐURINN

Miðvikudagur 24. apríl 2019

16. tölublað | 13. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL



ROLEX
OYSTER PERPETUAL
DATEJUST 41

MICHELSEN
ÚRSMÍÐIR
Laugavegur 15 - 101 Reykjavík
511 1900 - www.michelsen.is

Skuldbreytti 550 milljóna yfirdráttarláni WOW

Fimm milljóna dala yfirdráttarlán WOW air hjá Arion banka var gert upp og bankinn eignaðist í staðinn skuldabréf á félagið. Þrotabú flugfélagsins hefur ráðið til sín Deloitte og kannar hvort tilfni sé til að rifta þeirri ráðstöfun. Skuldabréfaeigendur vilja láta reyna á ábyrgðartryggingar stjórnenda WOW. » 2

1.600

milljónum námu heildarskuldir WOW við Arion.

» Minna en helmingur þeirrar fjárhæðar sem fékkst í skuldabréfaútboði WOW var í reynd nýtt fjármagn.



Þorsteinn Baldvinsson, forstjóri Samherja. FRÉTTABLAÐIÐ/ANTON BRINK

Kæru Samherja vísað frá

Úrskurðarnefnd um upplýsingamál hefur vísað frá kæru Samherja á hendur Seðlabanka Íslands um að bankinn afhendi útgerðarfélaginu ýmis gögn um rannsókn hans á málafnum félagsins. Kæran fellur utan gildissviðs upplýsingalaga, að mati nefndarinnar, sem bendir á að um aðgang Samherja að umræddum gögnum fari eftir stjórnsýslulögum.

Samherji kærði í nóvember tafir Seðlabankans á meðferð beiðni útgerðarinnar um að fá aðgang að gögnum um rannsókn bankans en í kærinni tók lögmaður Samherja fram að miklu máli skipti hvernig staðið hefði verið að rannsókninni. Samherji hefði til að mynda ítrekað óskað eftir því að fá afhenta útreikninga á útflutningsverði karfa, sem voru lagðir til grundvallar húsleit og kærum Seðlabankans til sérstaks saksóknara, en bankinn hefði ýmist látið hjá líða að svara félaginu eða sent því önnur gögn.

Seðlabankinn benti hins vegar á að umbeðnar upplýsingar vörðuðu stjórnsýslumál og upplýsingalögin giltu því ekki um aðgang að þeim. Undir það tók úrskurðarnefndin og vísaði kærinni frá. - kj

Sjónmælingar eru okkar fag

Tímamantanir í síma:

Optical Studio í Smáralind, 5288500

Optical Studio í Keflavík, 4213811

Optical Studio í Leifstöð, 4250500

Optical Studio

SMÁRALIND • LEIFSTÖÐ • KEFLAVÍK

Kaupir í Högum fyrir nærri 900 milljónir

Lífeyrissjóður verslunarmanna hefur bætt við sig í Högum með kaupum á 1,65 prósentu hlut í smásölurisanum, að virði um 860 milljónir króna, samkvæmt nýlegum lista yfir stærstu hluthafa hans. Þá hefur Stapi lífeyrissjóður keypt tæplega 0,5 prósentu hlut í félaginu en Lífeyrissjóður starfsmanna ríkisins og hlutabréfasjóður í stýringu Stefns, auk 365 miðla, hafa á sama tíma minnkað umtalsvert við sig.

Lífeyrissjóður verslunarmanna, sem er næststærsti lífeyrissjóður landsins, fór um miðjan aprilmánuð með 9,95 prósentu hlut í Högum, að virði um 5,2 milljarðar króna miðað við núverandi hlutabréfaferð félagsins, en til samanburðar nam eignarhlutur sjóðsins 8,3 prósentum í lok síðasta mánaðar.

Er sjóðurinn þannig orðinn þriðji stærsti hluthafi í Högum á eftir Lífeyrissjóði starfsmanna ríkisins og Gildi – lífeyrissjóði en fyrrnefndi sjóðurinn seldi fyrir í mánuðinum 0,8 prósentu hlut í smásölufélaginu. Er eignarhlutur Lífeyrissjóðs starfsmanna ríkisins nú tæplega 13,2 prósent.

Stærsti hlutabréfasjóður landsins, Stefni – ÍS 15, hefur jafnframt

7%

er lækkan á hlutabréfaferð Huga frá áramótum.

minnkað hlut sinn í Högum um samtals 0,9 prósent á undanföllum vikum.

365 miðlar, sem er að mestu í eigu Ingibjargar Stefaniú Pálmadóttur, minnkuðu sem kunnugt er við sig í smásölurisanum fyrir í mánuðinum samhliða því að félagið fjárfesti í Skeljungu. Félagið átti rúmlega fjögurra prósentu hlut í Högum, meðal annars í gegnum framvirka samninga, í byrjun ársins.

Haft var eftir Jóni Skaftasyni, framkvæmdastjóra fjárfestinga hjá 365 miðlum, á vef Fréttablaðsins fyrir í mánuðinum að félagið væri enn á meðal stærstu einkafjárfestanna í Högum. Mikil tækifæri væru almennt til hagræðingar á smásölumarkaðinum.

Gengi hlutabréfa í Högum, sem reka meðal annars verslanir Bónuss og Hagkaupa, hefur lækkað um ríflega sjö prósent það sem af er ári. – kj

Ingi Jóhann og Anna í stjórn Loftleiða Cabo Verde

Systkinin Anna og Ingi Jóhann Guðmundsbörn, stærstu eigendur útgerðarfélagins Gjögurs, hafa tekið sæti í stjórn félags sem keypti fyrir á árinu 51 prósentu hlut í ríkisflugfélaginu Cabo Verde Airlines á Grænhöfðaeyjum.

Um leið hafa þeir Baldvin Þorsteinsson, framkvæmdastjóri viðskiptaþróunar Samherja og stjórnarformaður Eimskips, og Steingrímur Halldór Pétursson, fjárfestir og framkvæmdastjóri fyrirtækjasviðs Olis, gengið úr stjórn félagsins sem ber heitið Loftleiðir Cabo Verde.

Björgólfur Jóhannsson, fyrrverandi forstjóri Icelandair Group, leiðir fjárfestahópinn sem tekur þátt, ásamt Loftleiðum Icelandic, dótturfélagi flugfélagsins, í kaupunum. Björgólfur þekkir vel til systkinanna en hann situr í stjórn Gjögurs með

175

milljónir greiddu Loftleiðir Cabo Verde fyrir 51 prósentu hlut Cabo Verde Airlines.

Önnu og þá eru þeir Ingi Jóhann jafnframt stjórnarmenn í Sjóvá.

Stjórnvöld á Grænhöfðaeyjum samþykktu í lok febrúar kauptilboð Loftleiða Cabo Verde sem hljóðaði upp á jafnvirði 175 milljóna króna en til viðbótar hyggst félagið leggja ríkisflugfélaginu til um 730 milljónir.

Loftleiðir Icelandic fara með 70 prósentu hlut í Loftleiðum Cabo Verde og fjárfestahópurinn 30 prósentu hlut. – kj

Skoða riftun á um 550 milljóna greiðslu

Fimm milljóna dala yfirdráttarlán WOW var gert upp og Arion eignaðist skuldabréf á félagið. Þrotabúið kannar hvort tilefni sé til að rifta þeirri ráðstöfun. Skuldabréfaeigendur vilja láta reyna á ábyrgðartryggingar stjórnenda.

Yfirdráttarlán sem WOW air var með hjá Arion banka að fjárhæð um fimm milljónir Bandaríkjadala var gert upp í fyrra og þess í stað eignaðist bankinn skuldabréf að sömu fjárhæð á flugfélagið í skuldabréfaútboði þess sem lauk síðastliðið haust.

Samkvæmt heimildum Markaðarins eru skiptastjórar þrotabúi WOW air með það til skoðunar hvort tilefni sé til að rifta þeirri ráðstöfun en Arion banki og WOW air höfðu gert með sér samkomulag í aðdraganda skuldabréfaútboðsins um að umræddir fjármunir, jafnvirði um 550 milljóna króna á þáverandi gengi, sem bankinn fjárfesti fyrir í útboðinu færu í að greiða upp yfirdráttarlán félagsins hjá bankanum.

Ráðgjafarfirmarkæði Deloitte var nýlega fengið til að vera þrotabúinu til aðstoðar, samkvæmt heimildum Markaðarins, meðal annars til að leggja mat á hvort grundvöllur sé fyrir því að rifta þeim greiðslum sem fóru til Arion banka í tengslum við þátttöku hans í skuldabréfaútboðinu. Engin ákvörðun þess efnis hefur hins vegar enn verið tekin.

Arion banki lagði félaginu því ekki til neitt nýtt fjármagn í útboðinu heldur var í reynd að ræða um skuldbreytingu sem nam nærri tíu prósentum af heildarstærð skuldabréfaútgáfu flugfélagsins. Talið er að minna en helmingur þeirrar fjárhæðar sem safnaðist í 50 milljóna evra skuldabréfaútboði WOW air í september á síðasta ári hafi verið nýir fjármunir sem fengust frá fjárfestum til að bæta afar bágborna lausafjárstöðu félagsins.

Verulegrar óánægju gætir á meðal margra stórra fjárfesta sem raunverulega lögðu WOW air til nýtt fjármagn í útboðinu, meðal annars bandaríski fjárfestingarsjóðurinn Eaton Vance og íslenska fjármálaframtækiaðili GAMMA Capital Management, enda hefðu þeir að líkindum ekki gert það ef fyrir hefði legið að stærstur hluti fjárhæðarinnar sem þar safnaðist hafi aðeins verið umbreyting á kröfum í skuldabréf. Engar slíkar upplýsingar hafi verið veittar í fjárfestakynningum né þegar greint var frá niðurstöðum útboðsins.



Skuldbreyting Arion banka nam nærri 10 prósentum af heildarstærð skuldabréfaútgáfu WOW air síðasta haust. FRÉTTABLAÐIÐ/EYFÓR

1.600

milljónir var heildarskuldbinding WOW air við Arion banka í lok febrúar.

Norska verðbréfafyrirtækið Pareto Securities hafði umsjón með útboðinu ásamt Arctic Finance. Ólíklegt er talið að nokkuð muni greiðast út úr þrotabúi WOW air upp í kröfur þeirra sem tóku þátt í skuldabréfaútboðinu, sem og annarra almennra kröfuhafa félagsins.

Samkvæmt heimildum Markaðarins vilja skuldabréfaeigendur láta reyna á ábyrgðartryggingar stjórnenda WOW air, vegna mögulegrar persónulegrar skaðabótaskyldu sem þeir kunni að hafa bakað að sér, á grundvelli þess að þeir hafi ekki fengið fullnægjandi upplýsingar um fjárhagsstöðu félagsins og eins framkvæmd skuldabréfaútboðsins. Þannig hefur fulltrúi skulda-

bréfaeigenda óskað eftir því að skiptastjórar WOW air veiti þeim upplýsingar um skilmála ábyrgðartrygginga stjórnenda flugfélagsins. Við þeirri beiðni hefur þrotabúið ekki enn getað orðið þar sem erlent tryggingafélag, sem WOW air hafði keypt stjórnendatryggingar af, hefur lagst gegn því að afhenda þau gögn sem óskað er eftir.

WOW air skuldaði samtals rúmlega 20 milljarða króna í lok febrúar, einum mánuði áður en félagið var tekið til gjaldþrotaskipta, en stærstu kröfuhafar félagsins eru flugvélaleigurnar Air Lease Corporation og Avolon, Isavia og Arion banki.

Arion banki, sem var viðskiptabanki WOW air, hefur ekki viljað veita upplýsingar um það hve mikið bankinn hefur fært niður af skuldum flugfélagsins við hann. Heildarskuldbinding félagsins við bankann nam um 1,6 milljörðum. Í fjárfestakynningu vegna uppjörs Arion banka fyrir fjórða fjórðung síðasta árs var tekið fram að skuldabréf tengd flugfélögum hefðu verið færð niður um 360 milljónir króna á fjórðungnum. hordur@frettabladid.is

MARKAÐURINN

ÚTGÁFUFELAG Torg., Kalkofnsvegur 2, 101 Reykjavík, sími 550 5000

Netfang ritstjorn@markadurinn.is | Sími 550 5051

Ritstjóri Hörður Egiðsson hordur@frettabladid.is

Ábyrgðarmaður Kristín Þorsteinsdóttir

Netfang auglýsingadeildar auglysingar@frettabladid.is Veffang frettabladid.is

Sterkt og gott samband

Eitt símtal og málið er leyst

Vodafone sinnir tæknilegum þörfum okkar hratt og örugglega

Nánar á vodafone.is/fyrirtaeki

Framtíðin er spennandi.

Ertu til?

vodafone fyrirtaeki

FÖNN

Hækkarnir leggjast þungt á framleiðslu

Framleiðslugeirinn hefur lítið svigrúm til launahækkana og þurfa því mörg fyrirtæki að grípa til mótvægisáðgerða. Geirinn bar mikið af kostnaðinum sem hlaut af síðustu samningum.

Launahækkarnir sem kveðið er á um í nýjum kjarasamningum koma þungt niður á framleiðslufyrirtækjum. Þær geta því kallað á verðhækkunir eða hagræðingaraðgerðir að sögn Guðrúnar Hafsteinsdóttur, formanns stjórnar Samtaka iðnaðarins og markaðs- stjóra Kjöriss.

„Það er ekkert launungarmál að kjarasamningarnir koma mjög misjafnlega niður á fyrirtækjum og þessar hækkunir lenda þungt á framleiðslugeiranum,“ segir Guðrún í samtali við Markaðinn.


ÍSAM, sem á meðal annars Mylluna, Ora, Frón og Kexsmíðjuna, boðaði í síðustu viku hækkun á öllum vöruflokkum verði nýir kjarasamningar samþykktir. Önnur fyrirtæki á borð við Gæðabakstur hafa einnig ákveðið að hækka verð. Guðrún nefnir að framleiðslufyrirtæki hafi borið mikið af þeim kostnaði sem hlaut af gerð síðustu kjarasamninga árið 2015.

„Þá héldu fyrirtæki í sér og voru orðin aðþrengd seinni part 2017

og á síðasta ári. Þegar við töluðum um að það væri ekki svigrúm þá vorum við að tala út frá þessum geirum. Launahækkunir geta því miður kallað á hækkun á vöruverði eða hagræðingaraðgerðir, sem við vitum öll hvað þýðir en viljum helst forðast. Við erum því miður búin að sjá á síðustu vikum að mörg fyrirtæki eru að hagræða hjá sér,“ segir Guðrún en bætir við að hún telji að samningarnir séu jákvæðir þegar heildarsamhengið er skoðað.

„Þarna eru atriði eins og stytting vinnutíma og fleira sem fyrirtæki geta notað til mótvægis við beinar launahækkunir. Þetta eru flóknir samningar og það er verkefni atvinnurekenda að notfæra sér þá til hins ýtrasta,“ segir Guðrún og bætir við: „Markmið samningsins um lægri vexti munu skila heimilum og fyrirtækjum miklum ávinningi ef það gengur eftir.“ Þá hafi verið gríðarlega mikilvægt að ná fjögurra ára samningi til að skapa frið á vinnumarkaði þannig að fyrirtæki í landinu geti skipulagt fram í tímann. „Við sáum að fasteignasala var botnfrosin, sem og bílasala, og einkaneysla dróst saman. Það héldu allir að sér höndum, bæði einstaklingar og fyrirtæki.“

Þá verður fyrsti stjórnarfundur Samtaka iðnaðarins eftir gerð kjarasamninga haldinn í dag. „Ég geri fastlega ráð fyrir því að þetta muni verða rétt á breiðum grunni á fundinum,“ segir Guðrún. Spurð hvernig félagsmenn samtakanna hafi tekið í kjarasamningana segir hún að margir séu sáttir en eðli-



Launastig á Íslandi hefur áhrif á samkeppnishæfni framleiðslufyrirtækja hérlendis. FRÉTTABLAÐIÐ/STEFÁN



Guðrún Hafsteinsdóttir.

lega séu skiptar skoðanir. „Aðalatriðið er að það tókst að semja, samningurinn er til langs tíma, með því er óvissu ýtt til hliðar og hægt að skipuleggja fram í tímann. Fyrirtæki munu bregðast við, hvert á sinn hátt en allar forsendur eru til staðar um að láta markmið samningsins um stöðugleika standa.“

Forysta verkalýðshreyfingarinnar hefur gagnrýnt boðaðar verðhækkunir harðlega. Drífa Snædal, forseti Alþýðusambands Íslands (ASÍ), sagði sambandið íhuga það hvort hvetji ætti félagsmenn til að sniðganga fyrirtæki sem boða verðhækkunir á vörum vegna kjarasamninga. Þá sagði hún að verðlagseftirlit ASÍ yrði eftt til muna eftir kjarasamninga.

Ragnar Þór Ingólfsson, formaður VR, sagði ljóst að yfirlýsingar um verðhækkunir væru ekki til þess fallnar að vekja bjartsýni um að kjarasamningar héldu þegar kemur

að forsenduákvæðum um að vextir lækki og að kaupmáttur launa verði tryggður.

Atkvæðagreiðsla á meðal aðildarfyrirtækja Samtaka atvinnulífsins um lýkur í dag. Kjarasamningurinn felur í sér sérstaka áherslu á kjarabætur til tekjulágs launafólks þar sem launahækkunir samningsins eru allar í formi krónutöluhækkana á kaupaxta og föst mánaðarlaun fyrir dagvinnu. Launahækkunir til þeirra sem starfa á töxtum nema 90 þúsund krónum á samnings- tímanum.

thorsteinn@frettabladid.is



ESA borgar sig



Björn Berg Gunnarsson
fræðslustjóri
Íslandsbanka

Menntamálaráðherra lýsti á dögunum áhyggjum sínum af spekileka frá landinu. Það er gott að hið opinbera gefi málefnum gaum en vegna smæðar samfélagsins og takmarkaðra tækifæra ætti ekki að koma á óvart að sprenglært fólk kjósi af og til að freista gæfunnar utan landsteinanna.

Í ljósi þessa mætti hvetja til þess að kraftur verði lagður í aðildarferli Íslands að Geimvísindastofnun Evrópu (ESA). Það er auðvelt að afskrifa og gera grín að draumórum um íslenska geimferðaáætlun en málið snýst um allt annað og meira. Á verkswiði stofnunarinnar er margvísleg starfsemi, allt frá hugbúnaðarþróun að jarðfræði og veðurrannsóknnum. Hver aðildarþjóð stýrir sinni þátttöku að umtalsverðu leyti og leitast þannig við að nýta krafta síns fólks sem best.

Fjárframlag hvers lands byggir á landsframlögu þess og umfangi þátttöku. Evrópusambandsþjóðir, auk Noregs, Sviss og Kanada, eru aðilar að stofnuninni en ESB leggur auk þess til tæpan fjórðung fjár-

Vegna smæðar samfélagsins og takmarkaðra tækifæra ætti ekki að koma á óvart að sprenglært fólk kjósi af og til að freista gæfunnar utan landsteinanna

framlaga. Að lágmarki er andvirði greiðslna til ESA svo látið renna til baka til aðildarþjóðar í formi verkefna sem leyst eru þar í landi. Framlögin eru því í raun ekki greidd úr landi heldur nýttast að fullu í vísindastarf heima fyrir auk þess sem allir njóta góðs af viðamiklu samstarfi á sviði stofnunarinnar. Ef þátttaka okkar Íslendinga væri hlutfallslega svipuð og þátttaka hinna Norðurlandþjóðanna að jafnaði næmu árleg fjárframlög okkar um 390 milljónum króna. Í svari utanríkisráðherra við fyrirspurn varðandi stöðu mála fyrir nokkru kom þó fram að framlagið gæti orðið umtalsvert minna, en umsóknarferlið sjálft gæti þó tekið „um eða yfir áratug“. Það teldi ég góða fjárfestingu en of langan tíma.

Fjöldi Íslendinga starfar nú í útlöndum við verkefni sem hægt væri að bjóða upp á hér á landi ef Ísland gerðist aðili að ESA. Aðildin væri mikilvægur tappi í spekilekann sem menntamálaráðherra ræddi, væri lyftistöng fyrir raungreinanám og byði íslensku vísindafólki fleiri og áhugaverðari atvinnutækifæri.

14. SEPTEMBER Í ELDBORG HÖRPU

DÍVUR

KVÖLDTÓNLEIKAR:
ÖRFÁIR MIÐAR EFTIR
DAGTÓNLEIKAR:
FÁIR MIÐAR EFTIR

SVALA & JÓHANNA GUÐRÚN

DÍSELLA · FRÍÐRIK ÓMAR · KATRÍN HALLDÓRA
RAGGA GRÖNDAL · SIGGA BEINTEINS

light taste · Coca-Cola · SENNA LIVE! · ICELANDAIR

senalive.is/divur

Stjórnar- maðurinn



Fullnaðarsigur

Enska úrvalsdeildin í núverandi mynd var sett á laggirnar 1992. Deildin varð til kringum uppreisn forráðamanna stærstu liðanna á Englandi, sem vildu stærri hluta kókunnar í eigin vasa. Tuttugu og fjórir stærstu klúbbarirnir klufu sig því frá hinum og settu upp sína eigin deild. Framhaldið þekktja flestir en Enska úrvalsdeildin er í dag vinsælasta og ríkasta íþróttakeppni heims, þótt liðin séu nú fjórum færi en upprunalega.

Hvatinn að ensku deildinni hefur því frá upphafi verið fjárhagslegur, og aldrei verið farið í grafgötur með það. Hornsteinninn að því er að sjálfsögðu sjónvarpsrétturinn. Rupert Murdoch og Sky lögðu á sínum tíma allt í sólurnar til að tryggja sér réttinn, kynntu herlegheitin á nýstárlegan hátt og uppskárú eftir því. Murdoch sagði síðar að Enska úrvalsdeildin væri það eina sem gæti tryggt sölu á sjónvarpsáskriftum. Með auknum sjónvarpstekjum og frjálsum flæði vinnuafis fylgdu síðar erlendir leikmenn. Enskir urðu brátt í minnihluta. Gæðin jukust í samræmi við það. Þjóðernið skipti ekki lengur máli. Aðeins knattspyrnulegir hæfileikar. Enska deildin varð að margra mati sú besta í heimi. Peningarnir töluðu. Bestu leikmennirnir spila með þeim sem best borga.

Hin hliðin á þeim peningi er þó sú að aðdáendurnir fjarlægjast óhjákvæmilega liðin þegar leikmennirnir koma ekki lengur úr nærumhverfinu, og eiga jafnvel bág með að tjá sig á tungumáli heimamanna. Næsta alda í þessari bylgju var þegar liðin sjálf fóru að ganga kaupum og sölum. Kannski hófst það þegar Glazer fjölskyldan keypti Manchester United, en sá klúbbur er þó enn þann dag í dag sjálfum sér nægur þegar kemur að tekjum og gjöldum. Stærsta byltingin var þó þegar Roman Abramovich keypti Chelsea og fór að kaupa leikmenn sem áður hefðu varla litið við liði á borð það bláa. Við kaup oliufurstanna frá Abu Dhabi á Manchester City var skrefið loks stigið til fulls. Holdgervingur miðjumóds og vonbrigða varð að evrópsku stórveldi á augabragði. Keypti bestu leikmennina og fékk eftirsóttasta þjálfarann.

Peningarnir höfðu unnið fullnaðarsigur. Auðvitað er enska knattspyrnan stórkostlegt sjónvarpsfni. En hvað gerist ef áhangendurnir missa ástriðuna? Er hægt að viðhalda henni þegar auðkýfingar ráða nánast algerlega fôr, og leikmennirnir eru nánast aldrei úr nærumhverfinu? Á það er ekki komin reynsla. Stundum er sagt að margur verði af aurum api. Vonandi á það ekki við um íþróttina fallettu.

Marel efnir til fjárfestadags í Hollandi

Marel efnir til fjárfestadags í Boxmeer í Hollandi hinn 2. maí en þar er fyrirtækið með starfsemi og sýningarsal. Stefnt er að því að skrá hlutabréf félagsins í Euronext-kauphöllina í Amsterdam í Hollandi samhliða skráningu á Íslandi. Lykilstjórnendur, þar á meðal Árni Oddur Þórðarson forstjóri og Linda Jónsdóttir fjármálastjóri, munu flytja erindi um vöxt Marel frá sprota í leiðtoga á heimsmarkaði, fara yfir hvernig horfur eru



Árni Oddur Þórðarson.

á mörkuðum, fjármál Marel, viðskiptamódelið og stefnu fyrirtækisins.

Enn fremur munu stjórnendur flytja erindi sem lúta að virðisdeðjunni og því að veita þjónustu á heimsmarkaði, tækniþróun í matvælaframleiðslu og nýsköpun í samstarfi við aðra og með Innova-tækni.

Marel hélt sinn fyrsta fjárfestadag erlendis í nóvember árið 2017 í Danmörku en fyrirtækið rekur sýningarsal í Kaupmannahöfn.

17.04.2019

Áður útskrifaðist fólk úr skóla og fór beint að vinna, en nú fara allir í sex mánaða heimsreiðu. Þetta er ákveðinn flótti frá því að taka þátt í samfélaginu.

Þórólfur Gíslason kaupfélagsstjóri



Verðmæti

Hámarkaðu árangurinn þinn og verðmæti með því að nýta þér fjölbreytta þekkingu og víðtæka reynslu PwC á öllum sviðum rekstrar

Hafðu samband því þinn árangur er mikils virði.



PwC | Sími 550 5300 | www.pwc.is

PwC á Íslandi er framsækið og traust fyrirtæki sem veitir sérfræðiþjónustu á sviði fyrirtækja- skatta- og lögfræðiráðgjafar, endurskoðunar og reikningsskila. Fyrirtækið er íslenskt og er hluti af alþjóðlegu neti sjálfstæðra fyrirtækja sem aðstoðar viðskiptavinum sínum við að auka verðmæti, stjórna áhættu og bæta árangur sinn.

Reykjavík | Akureyri | Reykjanesbær | Húsavík | Selfoss | Hvalsóvöllur | Vestmannaeyjar